

Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

3. De duobus primis humilitatis modis à B. P. Ignatio positis.

[urn:nbn:de:hbz:466:1-47032](#)

imitationem eorum quæ anteā, dum de propria voluntate ageremus, ex Dorotheo sunt relata: id enim verē est esse continuum. Tertiō, vt etiam occasionem ita se mortificandi & abnegandi, propenso & incitato studio querat, non tamen anxiè, aut continuato quodam sollicitæ mentis angore, sed, vt dixi, præsentis & sibi inuigilantis animi solerti firmitate, qua & ad naturam vincendam opportunitates acutè præfagiat, & quæsitas aut oblatas fortiter arripiat. In hoc verò nisu constanter pergenti, eas B. Patre sic spondente progesiones video esse sperandas, quibus in eum gradum, vt ipse loquitur, in spirituali vita tam pretiosum breui possit cuadere.

C A P V T III.

De duobus primis humilitatis modis à B. Patre positis.

Ad eandem eadem de re B. Ignatij doctrinam pertinent, omninoq; recenseri hoc loco debent, tres illi, quos posuit humilitatis modos, tam plana, liquida, absolutaque in methodo, tanquam se celeritate in excelsissima fustolente, vt mihi meritò videar eius admirandæ finem nullum facere posse. Multi multa copiosè, variè, subtiliter & piè de humilitatis gradibus tradidere: at, nisi huius me Beati viri fallit amor (& quantum videre datur haud fällt) nemo est qui breuiùs, distinctius, accuratiūs eos exprefserit. Dicerem, præ his ieiuna, confusa, incondita videri multa, quæ tamen non immeritò prædicantur: sed ea laudis exaggeratio dispietet, quæ ab alterius imminutione captatur. Magis consulo, maximi facias omnia, nunc autem temporis contendere, vt quid B. Ignatius doceat intelligas, & intellecta secteris.

Humilitatem ergo eam & describit, & eiusmodi operatione, vel animi affectione definit, qua satis indicat eam spectare se, quæ sita est in voluntate Deo se subiiciendi, diuinæque voluntati, ac Deo ipsi se conformandi.

Iam, ab illo primus humilitatis modus hic ponitur ad salutem necessarius, vt me penitus subdām diuine legi obseruandæ, vt q; ne mundi quidem totius oblato mibi dominio, vel extremo vita discrimine obiecto, transgrediar ex deliberato mandatum ullum diuinum aut humanum, quod quidem peccati mortalīs vinculo nos obliget. Ita ille, prudenter & necessariò statuens, nullam in eo homine humilitatis esse posse speciem, quialiquid præceptum diuinum, grauiter vrgens violare audeat. Cum enim omnis inobedientia, sic eius quæ Superiori exhibenda erat, subiectionis denegatio, quid aliud dici potest, quam superbiæ rebellantis impudens ostentatio? & verò, quid humilitatis illi homini superesse credendum est, qui Superiori, qui Dño, quam debet voluntatis subiugationem,

M 3

cum

94
cum flagitio denegat? Est igitur hic primus gradus, cuius homini ab aeterna salute nolenti excidere pernecessarius: in eoque sic obscurandus animus, ut omni alteri amori diuinus amor emineat, huic vni, ceteri concedant omnes: si amici, si facultates, si honor aut existimatio, si denique vita ipsa in eo discrimine versetur, vt sit vel eorum, vel huius humilitatis iactura facienda; pereant omnia, ne pereat amor Dei. felix est temporaria iactura, quam aeternitatis compendia penfabunt. Vides tamen, hic & edomitas cupiditates, & non vulgarem fortitudinem opus esse, vt quis aduersae tempestatis impulsu, firmus in hoc gradu & inconcussus insistas: omninoque, qui ad alios gradus ascensum parat, maiore quoque fuerit virtutum instruendo armandus.

Secundus enim gradus maioris est perfectionis, vt fixo animo ad diuitias, paupertatem, honorem, ignominiam, breuitatem vitae, ac longitudinem aquae sim propensus, vbi aequalis est diuina laudis, & salutis mea occasio. Utq[ue] nulla, vel humanae quantacumq[ue] felicitatis, vel propriæ mortis conditione proposita, adducatur umquam ut culpam, licet veniale tantum, decernam admittere. Iltis cum modum verbis B. Pater describit, non tantum maioris perfectionis quam primum, sed etiam (seposita comparatione) permagnæ quantum existimo perfectionis, quam videtur bicipitem facere: una ut eius pars sit, affectuum & cupiditatum in res quasvis adeò esse retinente, vt nullam in rem, iucundam aut iniucundam, blandientem auctoritatem, diuitias aut paupertatem, honorem aut ignominiam, breuitatem vitae aut longitudinem, prioribus animis feramur. Quod ipsum quantæ arduitatis est: multum a se praestitum nonnemo erederet, si vbi maior diuinæ laudis cernetur occasio, ibi facultatum, honoris aut vitae facturam fortiter posset, quamuis cum dolore, tolerare: & quotus quisque tanto praeditus mentis robore reperiatur: quis de se id sibi spondeat, cum adeò multis nec illaudatae vitae viros, declinanda calamitatis metu, abs eo quod rectius iudicant, non raro deflectere videamus: & quoties, heu lugendum! concitato minima cuiuscumque cupidinis impulsu, in transuersum ab eis abducimurque meliora sciebamus: vbi ergo vir ille nobis reperiatur, qui affectum, qui propensiones, & proclivitatem omnes exuit: qui verè, qui toto sincerissimamente candore, sit ciuusmodi, vt honore & infamia, vita & morte ob oculos utrumque ita posita, vt neutra in parte diuinæ laudi officiat, neutra etiam diuinam laudem magis promouere credatur, an caps hæreat, nec ignominia honorem, nec morti vitam preferat: o virum cupiditatibus omnibus vei è mortuum!

Cur istud? inquires: etenim vbi aequalis utrumque Dei laus agitur, quid imperfectionis erit si morti vitam, honorem infamiae preferam? quid vero perfectionis si ne quaquam prætulero? Omnino, in hoc postremo, perfectionis erit plurimum; in priore vero, si non imperfectionis erit plurimum, plurimum tamen perfectionis deerit. Numquid non magnum, valdeque suspicendum est, eiusmodi esse mentis aequabilitate praeditum, adeoque cupiditatum omnium incitationes

nes edomitas habere, ut appetendi fugiendique nullus, nisi è laudis diuinæ respectu, motus excitetur: inde que fiat, ut si vita mortisq; sortem, par diuina laus excipiat, nihil videatur esse, cur altera alteri præferatur: honorum stimulus congenitus, voluptatum deliciae illices, virtutæ ardentissimus ille à natura insitus amor, ciendæ appetentia vim omnem perdidereint! quod profectò non est aliud, quām nihil amplius suum in terris, totoque in orbe agnoscere, & animum à peritiris ad æterna, ab humanis ad diuina subduxisse: tamque subduxisse perfectè, ut quiduis aliud artuleris, nullo tamen nisi æternoru in diuinorumque sensu tangatur. Eiusmodi se credit qui volet; nobis tamen, mihi frater, incipientibus, video superesse abundè quod & multum admiremur, & suspiremus diu. Quid enim cùm ad iudicandum veneris, respondebo tibi Domine Deus meus, qui tanta me per seruum tuum Ignatium ad perfectionem contuendam luce perfudisti; & ecce non tantum eam in partem ubi non est maior, sed etiam ubi minor est tua gloria, non ratò meorum me affectuum impotentia propellit, instigat, ac pertrahit? heu quām procul meliorum cognitionem, à meliorum exercitatione abesse video! hoc nobis corruptela sensuum, hoc naturæ ingenita depravatio partitur: neque sanè corrigemus, nisi nostrum erga res hasce infimas amorem funditus exhauserimus, nihilque in re villa procreata nisi solius Dei causa expectamus. Hoc verò, bone Deus! quale quantumque est: in suis commodis, sua laude, voluptate, sanitate, vita nihil sentire quod deleceret aut attrahat: in incommodis, vituperio, dolore, ægritudine, vel morte nihil quod animum excruciet, aut à se abhorrete faciat: solo verò diuinæ laudis momento, hæc omnia verè dignaque librare, annon hoc est animi, nullis nisi diuinis motibus instigari, nullaque nisi diuina sentientis: Nonne iure possem tecum, sancte Bernarde dicere, *I. de dilig.*
Deo, & ep.
II.

Cæt tamen hinc animos contrahas, addi potius conuenit: nec enim nos eū gradum consequi, sed perfectè consequi posse negat: sunt quippe in virtutibus, vel virtutum certo aliquo gradu, quædam eiusmodi ut se semper altius prouehant, & quantumcumque comparaueris, semper tamen superfit quod compareres, quod ubi accidit, comparies interdum ab auctoribus optimis asserti, virtutum earum perfectionem non posse comparari; licet magnos in ea progressus posse fierientiant. Alias tamen ipsos illos in perfectione progressus, perfectionis nomine decorare nihil verebuntur. Vnde D. Hieronymus venuste & breuiter, *Cunctorum in carne iustorum, inquit, imperfecta perfectio est. Quod D. Bonau-* *L. 1. cont. Pe-*
tura dilucidius, licet planius, Nemo, ait, in hac vita perfectè alicuius virtutis apicem *la. 2. c. 5.*
valet comprehendere, vel stabiliter in summo gradu semper manere, sed pro modo vioperfe- *de pref. Rel.*
cens quis dicitur respectu inferiorum. Quapropter omnem huius vitæ perfectionem *proc. 6. c. 7.*
nomine Aurora, quæ lucis tenebrarumque confinio miscetur, significari putat

Magnus

l. 19. Mer.
 c. 2.
 I sal. 142.
 Iac. 3.
 Rom. 7.
 Rom. 13.

Magnus ille Gregorius, iucundè his verbis & piè ludens: *Quid itaque in hac vita omnes qui veritatem sequimur, nisi aurora vel diluculum sumus? quia & quedam iam quæ lucis sunt agimus, & tamen in quibusdam, adhuc tenebrarum reliquijs non caremus: per Prophetam quippe Deo dicitur, Non iustificabitur in conspectu tuo omnis viuens. Rursumque scriptum est, In multis offendimus omnes. Paulus quoque ait, Video aliam legem in membris meis, repugnantem legi mentis mea, & captiuum me ducentem in lege peccati, quæ est in membris meis. Vbi ergo lex peccati cum lege mentis contendit, profectò adhuc aurora est: quia lux quæ iam emicuit, nequid prætereunte funditus tenebras preffit. Adhuc aurora est, quia dum lex carnis, legem mentis, & lex mentis, legem carnis percutit, inter se vici-sim lux & rmbra confligit. vnde rursum Paulus cùm diceret, Nox præcessit; nequaquam subdidit, Dies venit; sed Dies autem appropinquauit: qui enim post discessum noctis, iam non venisse, sed appropinquasse diem insinuat, esse se proculdubio, ante solem, post tenebras, adhuc in aurora demonstrat. Tunc autem plene sancta electorum Ecclesia dies erit, cùm ei admixta peccati rmbra iam non erit. Tunc plenè dies erit, quando interni luminis perfecto fuluore claruerit. Tunc plenè dies erit, quando nullam maloram suorum tentantem memoriā tolerans, omnes à se tenebrarum etiam reliquias abscondent. In hunc diem si ali quando venire, si dies, si sol, vel etiam sole fulgidior, in cælesti regno esse desi-deras, nō ètem ne ames, aurora nunc fias, virtutumq; inchoatione, quasi diluculo collustrante, abi ipsiis tui stadij carceribus, exulta ut gigas ad currentam viam tuam, viam Religiosam, viam, vitæ Domini nostri Iesu Christi humilitatis Magistri, quatenus homini datur, conformem, omniq; huiusc spectabilis orbis cupiditate ac desideratione exutam.*

Sed hæc de secundi gradus prima parte dicta sufficiant, ex qua tamen ad alteram vel iam factus, vel facilis admodum est transitus. Est autem illa, vt num-quam leuius ullum peccatum, quod veniale nuncupant, ex animi certo propo-sito committamus: quod profectò quantum sit, iudicabunt illi, qui scrutandis humanæ fragilitatis lapsionibus diligentius incumbant. quām proclue est, vt lentitudo, vel præcipitatio, parcitas vel nimetas, copia vel inopia, loquacitas vel taciturnitas, animi depressio vel elatio, plurimæque ab eo quod medium & rectum est declinationes nos altrouersus inflestant: quis ille est, qui non aliquando sciens & volens, sensuum delectatione ducatur, in laude aut vituperatione metas veritatis excedat, aut alicunde id agat, cuius mox pœnitentia tangatur: quis ille est, qui nō aliquando & sua & ceteroru; oblectationi, familiaritati, benevolentiæ, precibus, minis, terrori, non odio vel amori, aliquid paulò amplius quam par eset concedat? Qui tamen perfectè hunc humilitatis gradum insiste-ret, ab his omnibus immunis degeret. Verū, vt diximus, progrediendū est, cūq; aliquid eius acquisieris, magisq; ac magis ab omni mali specie te submoueris, nō est interrumpta contentio, vigilandū, instandū, graues etiam de minoribus voluntarijsq; delictis pœnae sunt reponendæ, donec ad id peruerteris, vt ab ista gradus firmitate, neque illecebris, neque ullo impetu grauiore dimoueri queas.

Verū

Verum antequam longius abeam, video hic queri posse, cur non B. Ignatius in duos potius humilitatis modos, quam in unum bipartitum, hunc secundum modum disperteret? De quo, ut quod sentio edicam, nihil quidem incommodi in istiusmodi distinctione video sapere quippe dilucideque diceretur; Hominem ita diuinæ maiestati subditū esse, Primo, ut ne præcepta, quæ animæ morte sanctiuntur, vlla umquam cupiditate, inductione, terrore audeat transgredi. Secundo, ut pari fortitudine illa obseruet, quæ solius leuioris noxæ reatu insciunt. Terrido, nihil amet, nisi diuina laudis promouenda incitatu. Atque ita duos illos primos modos, satis ut existimo enucleare comprehendifset. Sed nifallor, Beatus ille vir, cui minus notiones distinctionesque, quam consecutio virtutum cordi erat, aliud aliquid spectauit, vidiisque hanc secundi gradus partem alteram, sine priore comparari, & diuitius perdurare non posse: quare maluit in eiusdem gradus complexu ea contineri, quorum vis, tam sibi inter se coniugata, in idem conspiraret. Quis enim vocer in dubium, hominem eum qui nihil ypiam nisi Dei causa amandum fugiendumque sentiat, qui tantopere sit sensuum motuumque omnium continens, ut nusquam nisi Deo impellente moueat, secundum nulla umquam causa noxiā villam quanicumque levissimam admissum? enim uero si solius Dei solus eum amor allicit, cum à quo quis delicto quam longissime dissidet Deus, quid est quod eum in eiusmodi fraudem queat inducere. At vero si honoris, commodorum, sui ipsius amore, si ignorantiae, paupertatis, incommodorum, aut cuiuscumque casus horrore percellitur, quam proclive est ut vel istorum consequendotum, vel horum fugiendorum gratia, à præscripto rationis exorbitet, leuiorique saltē macula nitorem animi infusceret? Hæc igitur sit iustissima, & in rem nostram utilis causa, cur uno complexu hæc utraque connexa sint. Ad Tertium & nobilissimum gradum transeamus.

C A P V T . I V .

De tertio, eoque perfectissimo humilitatis modo.

Tertius, inquit, est modus humilitatis absolutissima, ut priores duos iam adeptus, etiam si nullo superaddito, laus Dei par foret, ad maiorem tamen imitationem Christi, eligant potius cum eo pauperi preto & illuso, pauperiem, contemnum, & insipientia titulum amplecti quam opes, honores & sapientia estimationem. Hunc gradum absolutissimæ vocat humilitatis, quid enim illi superaddi possit, non facile quisquam repertet. Hic omnis gloria, splendoris, existimationis & famæ, quæ tamen elationi ac superbie somitem ministrare solent, ponitur appetitus; contrâ verò res ilæ amantur, quæ humilitatem quam maximè conciliant & decent, paupertas,

N

con-

